

邃

雅

堂

集

遂雅堂集卷之九

起嘉慶乙丑至己卯

歸安姚文田撰

乙丑正月自粵東還京卜居鐵門三首

十年人海舊藏身，嶺嶠歸來迹已陳。  
湫隘不辭聊近市，

歌呼相和且隨人。

宅南接指揮宅，漢書注呼讀去聲。此本蘇詩。

燕因補屋銜

泥倦烏爲將雛覓，樹頻家具正如東。  
野少不須車載借，

比鄰

傳舍情知未是家，小園猶自戀春華。  
謝庭夢覺池生草，

庚賦吟餘屋有花扣戶喜無徵  
欠客僦居官屋到門差便散  
衙車舊游肯比揚雄宅載酒應須月未斜

論才久已謝當時成佛生天百不宜  
入世豈無三宿戀借書難了一生癡  
清吟小閣焚香晚靜寄南窗破睡遲  
試踏鐵門還自笑吳興誰嗣永禪師

出使三年舊時壁際粘掛都盡  
因倩人作桃荷菊  
梅四幅各綴以詩

小園趁日晴鶯轉遠陌尋芳舞蝶斜  
正是玉堂春爛漫

東風開到碧桃花

水閣風多四面涼  
亭亭時見倚新妝  
幽居不遣飛塵到  
卷上珠簾聞妙香

霜落天高雁已賓  
東籬載酒豈無人  
年來人與詩俱淡  
合與秋花作後身

三年看遍嶺頭春  
欲寫幽姿恐未真  
苦憶羅浮山下路  
扣門沽酒是何人

對月

娶妻當得陰麗華生子當如孫仲謀武皇去此如脫屣  
又思服藥升丹邱世間萬事真擾擾癡絕豈獨一虎頭  
坐使春秋失佳日眼看歲月如崩流微雲乍捲新雨收  
娟娟月上東南樓花陰覆地香滿屨竹風入戶涼生秋  
不如舉酒屬佳客新詩脫手還倡酬筆端奮迅搖五嶽  
胸中浩蕩吞十洲飄然遺眾獨高舉下視塵世同蜉蝣

名士

阿瞞老姦亦變名當時不殺禰正平呼人作兒此何語

恃才傲物天所刑建安文人若颺舉神州陸沈竟何補  
繡鞞空自矜藻績畫餅那堪實飢肚餘波泛濫入六朝  
名教棄捐如糞土蜀主曾依孝直言曲收許靖非尊賢  
南陽高臥草廬裏感激還因三顧起大星一落炎漢移  
始知諸葛眞名士

階下有羣蟻鬥晨起視之夷傷遍地餘蟻各擇取  
死者以歸感而有作

無端蠻觸兩爭雄微族誰甘拜下風喋血已盈孤竹壤

傳烽直到大槐宮北師猿鶴方流怨南國鯨鯢莫自功  
至竟干戈緣底事空令收燼泣遺忠

庭中草木四首

海棠

海棠如靜女天然出塵俗丹萼發奇葩娟娟媚幽獨吾  
心同廢井百事不挂目坐此芳豔牽不入神仙籙花下  
命良儔且盡樽中綠

萱花

國風思諼草願言樹北堂寸衷抱百憂何者可暫忘不  
如盡棄捐及時娛景光柔條發淡翠曉萼舒新黃慎勿  
掇其英轉使心煩傷

金銀花

吾寶在不貪中夜頗識氣坐久風露涼有香颯然至尋  
蹤出籬落黃白若雲積綠裳粲成列花王自豪貴百萬  
歲可捐應作膳脂費

夾竹桃



深紅何灼灼新翠亦娟娟固知造物心欲使兩美全山  
桃發春萼秋至苦不妍抱此霜筠姿晚節還復鮮庭院  
悄無人一笑方嫣然

粵東學使公廨南漢時宮苑也池中九曜石其遺  
迹左一石有米海岳書藥洲二字餘皆名人題  
刻大興翁覃溪先生三任提學搜剔攷正摹勒  
屋壁於其歸又繪藥洲圖用識思憶余差竣北  
旋先生出舊圖自題索和卽次元韻

五年闕遍古榕陰話舊論文夜漏淡

余庚申典試入粵萬和圖前輩招飲

於此次年卽有視學之命

小院芰荷含雨氣虛齋梧竹亂潮音客

來共讀題碑字人去猶懷愛屋心海上氤氳花藥逕講堂端合比儒林

梅雪梨雲覆地繁夏從積水導靈源魚因得所能知樂

石自宜人勝解言

辛酉冬疏池三尺許得泉脉二於亭之左右舊石仆者植之育魚以百數

池畔種梅

變化恐隨西域樹廢興早似北平園

智藥手種菩提

樹在光孝寺余庚申入粵猶見之次年爲颶風拔去藥洲亭榭視先生所圖大半改易賓客舊居已爲藩溷未

知余昔年修蒔去任後又復如何先  
生署貫北平因用馬莊武奉誠園事  
獨遺壁上龍蛇蹟  
前哲風流好具論

酷暑忽得快雨簡寄同年吳侍御

榮光

乞分白玉

簪一本

顛風捲暑出簾幃快雨追涼入紵衣  
溪院忽看苔逕沒  
小池還作瀑泉飛綠蘇老樹經新沐  
紅補殘花弄夕菲  
應與故人尋夙約荷鋤分種莫虛歸

倚欄

深院無人到愁時且倚欄雨多花力倦風定樹容安趨  
走陪

丹禁編摩愧素餐河聲流不住還復憶桑乾

時有北河漫溢之事

四鄉詠

聞道齊州接睡鄉州人苦自愛奔忙黑甜吾已諳風味  
紅軟何須戀土香東閣晏開晴旭上北窗倦憩午颺涼  
直愁謝傅時相迫未許莊周世便忘

句中自韻三百篇常有之後人言疊

韻者所未明也頌聯  
甜語軟戀偶效其體

欲就無功覓醉鄉  
天荒地老一身藏  
免教盡日常呼渴  
且任旁人共道狂  
司馬宦歸猶向市  
試鶯家近豈無郎  
清時那得容沈湎  
催築糟邱恐未遑

願得溫柔老是鄉  
莫教雲雨楚臺荒  
胭脂奪去愁無色  
蘭澤吹來自有香  
花底一生憐蛺蝶  
水邊雙宿羨鴛鴦  
但須風月還長好  
歲歲年年樂未央

仙人舊住白雲鄉  
方丈蓬萊路渺茫  
我欲瓊臺避霜雪  
下看塵海變滄桑  
空聞元籙傳金簡  
幾見青城有玉漿

坡老但求常不死飛昇除此更無方

和人春柳

輕黃蘸水苗柔條淺綠含風鬥舞腰衫袖不知朝露濕  
乍隨朝散過紅橋

恰恰嬌鶯澀更啼攜柑聽到

御園西東風吹暖一湖水早有新陰覆遠隄

題周東屏先生鄉關乘傳圖

聖主升禋日司農展祀虔使星歸益部征旆下秦川天

迴蓮峰峙江長鳥道懸關河舊經處細數宦游年

時以告祭

西嶽卽恩

准回籍省墓

故國丁年別空山丙舍留鶴宮耆德重

文恭公嘗爲總師傅

馬鬣

主恩優騎踏春泉碎旗翻曉露稠簡書還復迫悽愴撫  
松楸

秦楚烽烟接邨邨競鼓鞞翻令戎馬踐直爲幕烏棲民  
命終難贖

天威孰敢稽乍聞司馬檄已足慰蒸黎

時白蓮妖氛未靖總師者先撤

嘉陵江防兵致川境皆遭蹂躪因命先生就便逮問

勝事傳鄉里

恩榮逮兩朝

文恭公嘗奉命勘獄蜀中

兒童誇衣繡父老說題

橋忍事心常熱憂時鬢欲焦此懷知耿耿畫手恐難描

余於辛酉十月奉使粵東時葉香浦觀察甫卸臬

事將謀北歸及余差竣入都香浦已陳情改就

京秩僦居海波寺街之古藤書屋竹垞先生故

居也因用曝書亭集次查二嗣琛留宿元韻卽



贈

去燕來鴻悵昔年故人一別思綿綿那知歸到東華後

又喜同依北極邊花下駐帆容倦憩

香浦構書室如舟朱芝圃侍御題曰

錦帆藤陰安榻供清眠海波不是炎洲寺鉦鼓稀聞下瀨

船

竹筍先春迸石壇林鳥將子噪檐端得符初願成萊服

自勝南遊受楚官休沐地饒池館勝齋居心似海天寬

繡衣嶺外聯翩至有約攜尊送歲寒

邱芷房陳研齋秦小峴諸公皆由粵

東廉訪先後

改任京僚

與戴春塘

聰

同年數往還不值

仙署誰知也不閒  
玉堂吾亦媿清班  
花時有約終難赴  
雪後相尋祇自還  
夜漏響沈風捲籜  
城鴉噪晚日銜山  
何當把盞同休沐  
稍爲紅塵一浣顏

同人消寒席上分賦得冰齋

綠葵紫蓼舊曾諳  
此日茹冰覺倍甘  
冷浸齒牙泉乍釋  
脆添盤箸酒初酣  
欲吹自笑懲羹誤  
求益眞成買菜貪

畫粥遺風誰可繼寸心還對古人慙

題吳博士

嵩梁

且園倡和圖

槐陰侵戶蕉葉橫娟娟華月當前楹川雲初生朝雨細  
冉冉紅蕖香入袂高人於意誰最親月爲賓客花爲鄰  
長吟短諷徹四壁胸中一洗長安塵枕簟清寒夜如水  
隔寺疎鐘驚鶴起倡子和女耿不眠尙有梧門老學士

送同年吳大

文照

宰新興

萬里扁舟惜別心滇江南望隔遙岑蠻荒老作參軍語

海國新鳴宓子琴下邑尙堪容驥足遺民須爲布棠陰  
先侍御公會宰是邑邑人至今祠祀之何時寄我加餐字莫待長安春已  
淡

題左二輔蜀江歸棹圖

巫峽生寒白日陰瞿塘欲下水淫淫十年待獻

君門賦萬里遄歸子舍心美政已傳江上縣舊詩爭誦  
劔南吟短鐙共聽長安雨迴首扁舟歲月淡

山左秋闈事竣分校諸君招遊大明湖

輕風獵獵吹菰蒲秋光一片涵平湖舊稱水木最明瑟  
倚桐左右猶紛敷扁舟蕩槩入湖去驚起沙鳥還相呼  
澄波演漾空水接郭外青山送千疊游魚潑刺細浪開  
下見參差搖雉堞厯下孤亭半已敲登臨尙憶少陵詩  
雄詞鉅筆皆千古賢主嘉賓彼一時茲遊頗極平生樂  
更與招邀登傑閣蒼然秀色滿城中畫本分明辨華鵲  
暝色徐生雁鷺鄉攜尊重向小滄浪娛情何必絲與竹  
湖山嘯傲容清狂諸君遠接北海席媿我安能稱去聲佳

客新詩欲索嗟腸枯卮酒不辭憎腹窄卻愁門外白袍  
人一盞難忘是今夕

趵突泉

公羊釋瀆泉其水恒直出爾雅又名檻詩人狀虜沸濟  
水多伏流隨地忽涌溢小者爲珍珠大者爲趵突洵如  
翻銀濤爛若捲晴雪人言水下行是由巧匠術或疑勢  
奔躍下有蛟龍窟造化多靈奇誰能窮詭譎我來涉杪  
秋殘暑猶未歇石欄久徒倚薄寒侵肌骨汲取煩寺僧

石鼎試甘冽

題童水部

槐

水石居圖爲思其考甬川翁而作者

我家月湖濱地偏饒水竹老屋三四楹七葉守清躅自  
余始通籍廿載別邦族頻年曠甘旨一昔悲風木歸去  
望門間撲簌淚盈斛春暉不可留

先人自題書  
室曰迎暉

庭草空

復緣童君持畫冊令我賡末曲幽篁欲蔽天怪石自蹲  
伏中有結廬人清風動巖谷所居名亦同

君所居亦  
名月湖 哀

思詎君獨悲者畏彙歛展卷不能讀

題徐愚溪課子圖

羣從登臺省藏家富簡編駢珠三樹茁啟篋一經傳  
袞  
袞駒騰阜翩翩鶻在天披圖吾有歎尙憶授書年

余兄弟幼

時皆先母沈夫人親自授經

阮雲臺師命題雷塘菴主小像蓋廬墓時所繪者

舊識雷塘路先生此築樓草荒隋墓雨水落漢陂秋別

薛遺碑在

菴有元季殘碑史志闕載

題阡鉅筆留爲傳風木意獨立

對松楸



余已巳歲客遊邗上聞東臺袁秀才

承福

名而未

見也時方重輯廣陵志徵事於東臺東臺置縣  
四十年尙無志袁君殫三月力成之又以屢被  
河患撰澤鴻吟一卷讀之使人酸鼻頃至郡復  
出示下河水利圖議蓋今之有心人也余旣惜  
其不遇會袁君以遊山小照屬題因書一律

早有才名動鉅公  
喜看疎鬢未成翁  
文章簡直追良史  
詩句蒼涼似變風  
佳客如君何見晚  
憂時無寐得誰同

山行笠屐遲料理且障迴瀾集澤鴻

王覺梅小照

小園侵曉踏莓苔籬角牆陰一樹開我是羅浮山下客  
對君還憶夢中來

余園二十詠

白沙翠竹江邨

高人聞結廬遠在曲江曲欲往叩柴荆輸與閒鷗熟

見山樓

江上多青山，偃蹇避官府。江樓晚不扃，蒼翠滿軒戶。

梅花處士廬

繞屋種梅花，老去謝塵事。前邨酒可沽，抱月時一醉。

因是菴

非者不可襲，是耶還復因。吾愛蒙莊子，斯言契道真。

千尺桃花潭

新綠捲春漲，落紅辭遠林。日暮空潭上，我懷時更深。

度鶴橋

江空木葉秋霜落魚梁冷幽逕人不來有鶴踏松影

柳風麥浪之間

野水平連屋晴烟綠過橋春風吹夏暖隨意泛輕橈

耕煙閣

平蕪曉化煙小閣夜來雨荷耒臨東臯時聽耕人語

乳桐嶺

碧樹含芳蕤幽居容偃仰嶺上清風來時時作琴響

東溪白雲亭

溪流無雜響雲行無定姿乘興時獨往有懷還賦詩

箴筮遲

翠袖生薄寒一徑入澗碧不敢問主人恐是子猷宅

別寄閒情處

地偏心更遠滌暑恣清遊濃樹綠藏榻晚荷香到樓

小山秋

淮南已仙去叢桂自山幽風露不知冷香生一院秋

芙蓉泚

淥水不受塵種花識花意莫遣涉江來攀折知誰遣

聽雨山房

空階殘雨滴老樹涼初動  
淡夜到簾幃驚起幽人夢

華黍齋

種黍滿東阡年豐入幽籥  
呼朋酌新篘歲晚猶可樂

寸草亭

閒亭對芳草春暉能娛人  
欲和孟郊句含辛難具陳

香葉草堂

虛室駐寒雲疎牖納殘照時聞鸞鳳音遠想蘇門嘯

漑巖

楓葉自丹黃飛泉滌山瘦秋意入人來森然滿襟袖

雪窟

松壑生寒姿茅齋晚初霽誰將粉本傳應是王蒙製

陳翁者休園主人也以休園畫冊屬題時余寓楊

園中爲題一絕

從君借住三間屋那得淹留更判年新綠滿園鳩

一尊相對意茫然

題宓簽判俯壑聽流圖

我家苕水上門對萬山稠杖策每孤往飛泉時亂流野  
人耽逸興歸思入殘秋那得如宗炳圖中恣臥遊

題俞蓮石負薪圖

衆山無風響松椶飢鳥亂啼天欲黑中有行吟客獨歸  
盡日負薪腳無力翁子歸來方典郡引綬人人動顏色  
當時轍軻誰獨知有婦相隨猶不識俞君此圖工寫神



自嗟牢落走風塵語君且復談王道莫信儒冠終悞人  
書贈縣丞保康縣尉蕭水清死賊狀後

楚塞烟銷戰血乾孤兒流涕向沆瀾櫻城肯學跳身遁  
當轍元知怒臂難就義同時悲七口恤忠有例惜微官  
封章列薦人多少輸與芳名史籍看

潘朗齋明府

銘

雲樹懷人圖

嶺樹重陰合江雲變態新青山前日夢華髮舊游人蹤  
跡真難定心期誰更親因君多感觸惆悵是花辰

睡起書懷

欲尋殘夢已無痕，起撥熏鑪百不溫。  
虛想雁書來碧落，厭聞蟲語入黃昏。  
樓頭皓月初生魄，江上秋風易斷魂。  
幾日故園成舊約，看花時爲一開尊。

同年盧湘槎

元璩

將歸吳門出戴笠圖，屬題卽以

志別

朔風吹短笠，有客薄言歸。  
江渚潮初落，亭皋葉亂飛。  
懼迎看稚子，談笑對慈闈。  
應憶羈棲者，征塵尙滿衣。

辛未立春前一日偕蔡香慧何槐庭張硯山鄭崇  
臺同登師曠吹臺卽呈諸子

走馬尋春入梵宮吹臺無恙汴城東千秋文字歸倉作

大地山河壯禹功

相傳吹臺乃倉頡城阼又名繁臺今建禹廟其上因稱禹王臺

一撲

未隨狂水盡五朝欣見戰塵空

大梁嘗爲李自成所灌

先皇宸翰穹碑在父老謳思瀝淚同

中邦風雅漢京開天遣宗工此數來掬水有人祠李杜  
瓣香何意失鄒枚平蕪莽莽烟痕斷老樹童童日影回

取次東風生舊苑游梁應見長卿才

臺舊有三賢祠祀李白杜甫高適後

人益以李夢陽何景明號五賢祠

### 經汲縣

蒼兕曾聞牧野屯餘民都盡與誰論天憐直諫留抔土

謂比

地借名賢有故邨

縣有君子邨以蘧伯玉得名然衛自文公已東徙疑未甚覈

西望太行仍險絕東流衛水自奔渾千秋遺恨安釐塚  
竹簡燒殘半不存

### 湯陰謁岳忠武祠

陰風蕭颯上靈旗忠武千秋廟貌遺天意已教留半壁

中原空自望王師到門慘淡排污鐵

西湖岳王墳鐵人銘云鐵乎鐵乎爾

何冤乎受此污乎今湯陰當廟門亦有鐵人五

下馬逡巡讀舊碑故里有魂歸

到否墓垣喬木實南枝

西湖墓木枝皆南向

### 韓魏公故里

星輅又報入安陽畫錦猶傳使相堂望雨三農眞滿願  
占雲太史早書祥曉枝胡蝶從他鬧老圃秋花儘自芳  
一語夔公長記取最難清節晚逾香

書韓魏公傳後

臚唱初聞下紫宸御墀遙對綵雲新侍臣珥筆還書瑞  
不數當時第一人

衛輝校士兼旬自射場歸試院作

弱柳吹綿漸欲空使車猶駐洛王宮節過寒食無多雨  
山壓孤城不斷風鼓角早喧殘夢裏旌旗同指夕陽中

崇臺舊事無心問門外方看鵠立同

洛王臺在  
試院西北

春風

日日春風太放顛，柳花吹墮不成綿。  
客愁撩亂無人會，坐看晴鳩下野田。

蘇門山謁 夫子像

終古泉源勝尼山，一派存漚留會衛。  
地廟貌尙蘇門日，月光難繪山河氣。  
自尊吳生推鉅手，猶勝畫冬元蘇門爲孫

夏峰徵君講學之地，山巔建夫子廟，有石刻吳道子畫像。

題百泉行館

行館蕭閒鎖暮春，蘇門窈窕隔風塵。  
淡淡竹樹連陰碧

細細松花覆地勻  
山色湖光隨意領  
舞衣歌扇暫時親  
狂吟拚向尊前醉  
更恐孫登欲笑人

題獲嘉汪明府

桂祿

桃花潭水圖

情淡難寫徵于水  
太白有詩函妙理  
後人取詩卻作圖  
捉管何由能寫此  
巧工繪水難繪淡  
我今還繼謫仙吟  
太行三月顛風吼  
日日黃埃遮馬首  
昨朝快作蘇門遊  
暫借泉源洗塵垢  
緋桃一樹開已殘  
餘英亂落穀紋間  
未能久住聊忘世  
且便隨流更出山  
征車宛轉經河甸



爲政風流願親見早共賢兄宴杏林更尋令弟來花縣  
攬衣一笑開清尊索筆重求補餘絹我行孔棘將柰何  
相送殷勤意猶戀感君此情不可孤長歌且復留斯須  
前津正向覃懷去九曲洪流得比無

覃懷試院和蔡香慧

輕陰漠漠柳毵毵籬角牆頭綠意酣  
深院曉寒聞布穀故鄉春老憶眠蠶  
傾醅欲飲愁仍薄煮筍頻供覺自貪  
北地筍少惟懷慶有之飽看太行山色去  
前程又過大河南

登伊闕歌

洛陽地形天下雄奔騰一氣來關中桃林函谷屹右峙  
成皋廣武環其東邙山天然若屏臥後障洪水安奔衝  
峨峨伊闕禹所鑿蒼崖中斷飛白龍澗瀍穀洛互吞吐  
迅流下與渾河通始知前聖運神思作都定鼎侔鎬豐  
我登絕頂試周望森羅法象開心胸世人夔古重文字  
按剔蘚石誠雕蟲山川如此邽易有胡不振策攀高蹤  
凌風自恨無健翮雲中莫辨華與嵩古來才士誇地產

此邦前史尤稱隆賈生才調後無匹程門道脉世所宗  
前者導波後者繼鬱積不少坤靈鍾嗟予安得如伯樂  
一顧冀北羣馬空

偃師所建文昌閣高踞北邙辛未六月余阻雨留

此武明府肅招共登眺

攬轡經西臺捫星到上台大聲河洛轉蒼色少嵩來鑿  
嶺通泉脉調琴出石材時方鳩工艱于取水忽窪地湧泉成池又土中得石扣之作琴

聲  
緣知崇道力靈境自天開

鄭州試院夜風

欲雪未雪天氣昏黃昏四望愁雲屯入門且復擁衾臥  
殘燈先滅鑪不溫須臾大聲出天地蛟龍直掣潮濤奔  
空堂黑夜疑有神叫號撞突驚人魂此心耿耿尙可質  
鬼神雖嚴終不嗔慳者值風古有諺世事誰知朝暮變  
曉來期向射堂行滿馬黃沙撲人面

許州城西八里謁漢壽亭侯祠相傳曹操餞別處  
阿瞞虛自說英雄皎日當天鬼蜮空縱使羣才歸策馭

宋史卷一百一十五  
三  
可能眞傑受牢籠舊恩縶縶流離日大義分明去就中  
久約有言終不負破袁先爲立殊功

命諸生賦雁字漫成

整整斜斜不自由隨風有雁過南樓數行早爲傳霜信  
孤館憑教寫客愁書練巧當秋水濶題箋恰趁晚霞流  
生憎不作平安字卻惹閩人憶遠遊

過昆陽舊城

漫說堅城不易攻中興天意豈人功當時失策嗤王邑

早日靈文告李通千里徒聞驅虎豹長人無計撼雷風  
潢川清駛還如舊鉦鼓聲銷戰壘空

裕州道中

去日猶殘暑征車知久留蒼煙孤寺暝黃葉一山秋野  
啁憐饑雀林喧愛晚鳩荷鋤看父老歸路話方稠

是歲苦旱

饑民至有掠食者時  
連得雨已皆種麥

陳州曉赴射場有懷故里

柝聲初斷曉烏啼老樹籠煙月正低出郭路隨旌騎轉

朝陵人雜市塵迷

土人以二月皆朝太昊陵

暖抽宿麥連天暗綠放

垂楊拂地齊正是春妍好時節鄉心飛繞浙江西

清明日發陳州

小住淮陽又著鞭羲皇臺迴怯攀緣和風已拂千門柳  
新火初騰萬井煙烏外殘雲猶閣雨馬邊芳草欲粘天  
墓門松柏知何似一度清明一愴然

先在陳州試畢阻雨主人留觀劇一日是日次太

康行館卻寄李竹醉

振翁

太守

連宵密雨灑芳田長路行泥浣馬羈烟郭柳藏陽夏市  
石欄花破晚春天空懷舞袖雙垂好無復歌喉百轉圓  
孤館酒醒稀客夢新詩聊爲荅纏絲

自柘城至歸德

驅馬出門去問天還雨無漸看雲破碎猶覺樹模糊春  
漲生渦水風禽避宋都早秋先報麥樂事問田夫

宋生淵峒淵島西陂後人也以家刻八種見遺詢  
知其家積書尙多喜而有作



文字偏憎造物慳，積書還比積金艱。聞江表誇東海

崑山徐氏藏書最

富今第宅已爲墟無復淮南見小山

維揚馬氏小玲瓏山館以藏書稱余

數年前過訪惟

賜書尙存

過眼雲煙千變去驚

官爲典守其餘更不存片紙矣

心桑海百年間，尙書手澤猶能繼。喜對森森玉筍班。

睢州湯氏族人以文正遺書見貽，始知余所得士

若壽若澄若沅，樹桐皆公裔。孫喜賢者之有後

因爲賦此

翊運動賢望，並隆睢州清德歷。羣公飽聞父老歌，淇

公撫蘇兩載蘇人遠想淵源出洛中稱閎昔嘗輕仲遠  
爲建民不能忘坊  
文正已官少詹事見  
孫夏峰執弟子禮  
得書今不數王充英英繼武家聲  
在會見雲霄有漸鴻

延津寄高明府

崧

問俗經疲邑蕭條并二千原疇半沙灘邨落幾人烟撫  
字誠勞矣周詢倍愴然所欣風化美蔚起有才賢

將赴覃懷先至明月山登憑虛閣

經年蹤跡溷塵鷲勝地清涼忽見招竹裏水聲喧石齒

樹邊鐘語出巖腰高寒直躡諸天上放曠眞臨八極遙  
那得山中明月夜更扶藜杖到僧寮

再至覃懷卽用幼子登明月山詩韻

鞭絲鐙響鎮隨身又向覃懷踏陌塵九曲河流秋後濶

太行山色雨中新鄰家脩竹追前夢

昨歲宿清化行館見滂舍有竹甚盛

頃因暮至

禾及往觀試院紅薇感舊春

中州試院凡十四處惟懷慶有舊薇一本其餘並無

一花予嘗以濃陰似帳

紅薇晚題試通郡士子三載自知無報稱百年私計屬

何人

試院牆後蘆花和沈曉園

老眼摩娑已倦看  
偷閒聊對屋邊山  
西風盡日蕭蕭冷  
又在黃茅白葦間

九月二十四日發孟縣至洛陽河水淺不能達舟  
人牽拽兩時許然後渡因憶癸亥四月由瓊州  
北還亦以水淺留滯河海天下巨觀也然亦有  
涸時物理安可盡乎因呈同行諸子

君不見黃河九曲從天下  
萬里洪流恣奔瀉  
秋水還聞

漆吏言對岸何曾辨牛馬茲來九月霜已清乘風不得  
張帆行連沙接渚繚復曲但資人力相牽攢始知陵谷  
有時變天道往復成虧盈塵揚東海事應有扁舟夜渡  
吾亦經余由瓊州北渡以大舟阻淺易小艇方得登岸成皋諸山皆積塊水嚙  
其根日崩墜坐使河身久漸高砥柱三門化平易人言  
海口費淪疏上流那解先填淤一朝激水悍於矢杞人  
安得憂能紓

將發陝州雪

拆寒鐙燼朔風悽未雪先愁沒馬泥敲枕暗聽鴉語寂  
舉帷猶道月痕低凌競半壓庭柯折舉確全遮石逕迷  
無數亂山伊洛杳行人還在二陵西

陝州官舍後枕萬錦灘俯瞰河流如在井底廨後  
喬木參天幽谷澗邃有小池自產魚相傳卽張

伯英墨池也上構小亭隨意登眺則三晉諸山  
皆在亭下清泉一泓繞逕屈曲無處不到余所  
見官署多構小園若山川之雄麗林壑之深秀

殆無逾此者惜不得令畫工繪作障子以資臥

遊歸途賦此簡耿刺史

育仁

置身福地何蕭爽下瞰河流落千丈人家瓦屋半臨水  
接屋陂田平似掌渡頭一葉舞樵風蓬背寒鴉飛兩兩  
使君非隱亦非吏盡日園林隨俯仰鳴泉細細當戶轉  
喬木森森拂雲上窈然幽壑最深秀上有孤亭倚虛敞  
石門無魚誰可釣墨池天然恣投網山城如斗賓客稀  
訟庭無人秋草長官齋午睡正粗足不用扶筇自來往

樓堞遙分平陸城雲峰直接并州壤浮嵐往往挹襟袖  
野色時時入書幌落葉丹黃迷鹿跡亂煙蒼白流禽響  
我來天氣正微雪滿目寒姿快清賞恨無畫手如倪迂  
寫入溪藤留供養使君欲別意難捨況夏河山勞夢想  
澠池道中用東坡和子由韻

一寒至此甯平聲堪說下馬須拚醉似泥天道已知多在

北日輪愁見欲沈西亂風老樹鳴枯葉殘雪荒塋沒舊  
題坡老有詩吟未得蹇驢僵臥不能嘶



夜宿澠池縣

歲晚馳驅尙不閒  
簡書當畏曷云還  
臥聽夜半風鳴紙  
愁說朝來雪滿山  
見月正籠秦地樹  
聞雞猶隔漢時關  
關心病馬相隨久  
瘦骨峻嶒歷塊艱

時一驂  
馬病甚

宜陽新生于翀年八十二矣見其志喜詩有白髮  
簪花分外紅之句因成一律書以畀之

白髮簪花分外紅  
風檐回首覺匆匆  
丁年伴侶何人在  
亥亥泥塗肯自終

翀辛  
亥生

百戰已成長  
敗卒三朝猶有未

衰翁名經乍展心先喜抽掇沈淪亦至公

少林寺

紺宇面崇岡卓立若屏障蒼翠紛然來衆峰如揖讓入  
門見古柏森森出雲上霜皮盈百圍秀色壓千嶂瞻尋  
大士龕雄毅現殊相傳聞鼎革初寇賊肆焚掠化形仗  
佛慈保護得無恙寺僧精擊劒結束森列仗氣奪魑魅  
伏勢激風雨壯坐使心神驚不如窮幽曠憶昔蕭梁時  
精藍寶肇創一葦顯神異片石留供養先觀色淡黑須

與露形狀長眉與淡目審視語非誑始知精誠貫斯理  
良不妄太室何蒼茫軒庭縱遙望便欲從之遊一慰心  
所向驅馬難久淹出門意增悵

登嵩山謁嶽神廟是日卽宿山下

嵩山實中嶽其高聞極天蜿蜒百餘里橫亘如龍眠我  
行陟其麓華蓋當我前自嗟筋力弱久謝攀躋緣幼子  
兩腳健飛躡凌層巔頗謂登臨易人言殊未然因思自  
緱嶺南行出轅轅盡日履巖磴蟻磨經千盤到此地絕

高豈惟尋丈間始知向道心歷久自不艱廟貌何嗟峨

上出浮雲端殘碑字剝蝕拂拭苔蘚斑振衣升堂階瞻

拜肅以虔茲歲夏苦旱官吏走取泉

豫省過旱必遣達官一員至中嶽祈

禱汲泉一盞到壇輒雨茲夏屢請泉不應

雨工嬾不起杪秋澤猶愆后土盡

龜坼民命殊可憐不敢有私請稽首爲一言願得風雨

時葭屋長廉年出門就旅館林谷生微煙檐隙夏凝望

山色增蒼妍

十月初九日歸自汝州雪中由邾縣至永安寨同

蔡香慧作

汝水彎環自遶哇楚山遙望隔雲低林添雪豔明鴉背  
泥帶冰聲入馬蹄看客兒童爭語笑還家雞犬失東西  
衝寒驛路愁衣薄慙愧清尊遠道攜

時諸生有自數里外攜酒來餞者

襄陽通守楊君

正邦

余同硯友也川楚軍興時以

州倅從事行間後護凱旋兵還武昌敘功得今  
官年六十矣因繪旋軍圖郵寄索題卽書其後

叔子風流近若何峴山翹首暮雲多書生往事思戎馬

壯士同時唱凱歌  
兩度江干曾捧袂  
余庚申奉使粵東  
會再見於清江途  
次  
十年海內久銷戈  
一官老向蠻陬住  
歲月駸駸歎逝  
波

題單二渠山水知音圖

夕陽羣壑漸暝  
野樹秋煙白  
生之子遠在空谷  
翛然獨  
寄閒情

松籟風喧不斷  
泉聲石咽仍吟  
舉世不逢夔曠  
無人解  
此琴心

癸酉三月奉

召還京留別兩河諸生

兩載中州使節臨馳驅時念

主恩深虛堂懸鏡誠吾事老馬知途是此心病眼未蘇  
雲漸積染髭無效雪全侵門牆桃李知何似佇見芳菲  
十畝陰

列坐澗慙絳帳懸祇將心迹對諸賢每因苦志憐螢雪  
多恐良才失杞榷河嶽人文歸冶鑄孫湯道脉想薪傳

南金東箭搜難盡去馬匆匆意惘然

余科試未畢者五郡

### 長沙相國師滌硯圖歌

我公罷相今歸兮卻留畫本還索題披圖神貌無不似  
使我望遠心魂悽此圖舊名爲滌硯廿載重樞名未變  
豈緣文士性所耽不爲多功意偏戀石溫且潤磨不磷  
亦和亦介臭味親直愁埃垢易淪翳更憑燥雪完精純  
公從弱冠登詞省晚贊

宸樞厯台鼎隨身一硯春復秋此硯此心時耿耿憶昔



拜公邸第初顏丹頭黑五十餘腹中空洞善容物溫溫  
笑語春風如有時抗論忤時宰嶽立朝端見風采只今  
自贊留卷中語不徒夸榘概在數年鬚髮始變蒼人言  
精力猶堅強慙因病暑日昏暗陸逢

國事心憂惶醫手無功藥多誤老疾知當避賢路

寵頒餘祿放歸田

聖主恩深眷衰暮獨有門牆舊日情惜公不得留公行  
無端更向圖中見把硯臨書涕欲橫

唐花二首

植根先已謝凡叢  
位置淡巖更不同  
畢竟開來容色減  
始知人事遜天工

到眼繁華幾日空  
小園次第見新紅  
好花自有開時節  
下策何勞出火攻

春草

一片烟蕪畫不成  
東風新入燒痕平  
幾多別浦懷人意  
無限高樓望遠情  
藥籠正愁餘蓄少  
訟庭還願並時盈

懸知大化無私被庶彙欣欣總向榮

雨後

碧桃花發雨初晴一抹紅霞照眼明  
更遣移牀花下坐老來還有惜春情

甲戌正月八日初至澄懷園呈趙侍郎

沙壓寒塘凍不開風欺老樹冷還摧  
未謀家具從人借且愛山居覓伴來  
殘綠尙餘霜後竹暗香徐動雪前梅  
同君但隔溪橋住一日應須過一回

楊三 正邦 以俸滿入都出旋軍圖再題其後

前別積一紀後別增三年忽忽廿七春僅此會面緣憶

昔同研席晨夕相隨肩甯 平聲 知分飛翼遂各東西天君

行南入楚屈志從散員謂竊升斗祿聊代南山田妖狼

歛跳躍井里生烽煙捧檄具芻糧投筆親戈鋌宛轉戎

馬衝九死乃獲全余亦謬通籍鴟鷺隨班聯五度奉簡

書萬里經車船昨歲歸京師再見秋月圓聞君方北來

使我望眼穿促坐話疇昔訪舊思林泉故人半鬼錄存

者無幾焉昔余齒最弱今亦霜毛鮮對君獨驚詫鬚鬢  
兩尙元重展旋軍圖狀貌猶依然把酒欲起舞染翰攄  
新篇

榮府自製真松煙墨試之光黑迥異微製趙仲起  
侍郎丐得一挺爲賦長歌

君不見衛夫人廬山代郡投良珍又不見韋仲將左伯  
張芝同絕倫古來藝苑擅場者妙取松煙恣揮寫易水  
舊法世莫傳俗工往往資桐棉工無利器皆束手鍾王

雖生猶奪妍榮王好古法古製支竈蒸松成麝氣千搥  
萬杵苦費功工多質良自矜貴雲間書名動

紫宸紅粉定合貽佳人一丸攜贈語鄭重啓握不異球  
圖陳持磨古硯暱相受濃不憎膠清自黝含睛點漆妙  
各臻元玉烏金世希有吁嗟乎昌言蓄墨爲墨磨墓木  
易拱將柰何孟德空貯三臺多臨池但足供濡翰何用  
豹囊留秘玩一挺猶堪支十年應笑李生抄取遍

題友人畫扇

卓午南榮皎日懸疎簾清簟自安便怪來詩境涼於水  
無數幽篁不見天

野水滄茫一道橫碧雲淡處晚風輕此身那得閒如鶴  
隨意空庭踏草行

丙子四月由兵侍改禮侍

漸覺蕭疎鬢雪生頭銜聊喜借春卿底須士馬煩鈞考  
且看英賢翊

盛明

禮部主  
貢舉事

冠佩四時隨

薦酌梯航萬國待朝正  
夏饒分得名花稅香入盤餐比

落英

豐臺芍藥田例  
歸禮部徵稅

閨中話舊十二首

莎蛩如語隔窗聞  
寶鼎添香近夜分  
博得侍兒遮口笑  
誤翻杯酒污湘裙

松庭涼露正霏微  
華月流光入翠幃  
卻上高樓三弄笛  
棲鴉無數出林飛

怡樓十度杏花風  
開遍淡紅與淺紅  
最是閒愁消不得



一帆春水去匆匆

颯颯商飈透綺櫺寒宵相伴一鐙青  
剪刀聲罷眠初熟卻被狸奴打夢醒

鴛鴦湖上水如天垂柳垂楊鎖暮煙  
暫與閒鷗分一宿陳家艇子記年年

車走雷聲路百盤舉頭纔得見長安  
宵淡且共纏綿話不比閨中月自看

碧桃紅藥鬥芳菲嬌燕初看出戶飛  
佳日正須拚共醉

鈿車還恐夜深歸

花藥洲前舊夢縈  
虛堂時有暗香生  
不愁溽暑人無寐  
一片芭蕉戰雨聲

臘月南天早見春  
梅花開遍一邨邨  
直從庾嶺放船下  
夜夜幽香入夢魂

更憶扁舟度廩延  
石榴花下抱琴眠  
歸來婦女遮輿看  
不覺東風又四年

移家初近鳳城邊  
紈扇羅衣薄暑天  
湘簟試眠仍不穩

畫廊起看月嬋娟

侍直西園得勝遊小池又見綠陰稠同君夏話當年事  
卻恐荷花笑白頭

趙文敏書曹娥碑硯屏歌爲煦齋太宰賦

吳興書蹟妙入神小字駉駉逼羲獻此碑規格出右軍  
運法常兼褚登善不知當日誰好事卻遣良工勒諸硯  
觀者愛書還作屏制度應由後人變銘題尙識荆蠻民  
閣貯曾歸項元汴後來倦圃鉏菜翁愛古孜孜老不倦

中間流轉那可數。尤物由來世爭羨。煦齋尙書書。夙工  
遇之不異千金玩物歸得所。亦可喜。我獨摩娑發長歎。  
余家舊住魏公里。手跡留傳今罕見。至寶真宜踰白珩。  
賞心更擬題黃絹。蛾眉一選入高門。可許他人長識面。  
硯山豪奪吾不敢。但求拓本娛清燕。

仲秋扈從熱河

上親射鹿獲之

頒賜近臣文田亦幸與焉恭紀

萃野相呼切秋原肄武宜

三驅臨北塞一發咏南詩  
珍味上方出銀盤中使持小  
臣慙竊祿何以荅

恩慈

伊遜河水極甘美伊遜華言九曲也俗名羊腸河  
在圍場中

衆嶺圍平甸河流一綫長淺泥埋鹿跡細浪走羊腸  
甘蓋魚羹美清浮茗椀香品題誰得似未遇陸生嘗

有餽伊遜河鱸魚者味甚美

鱸膾饒鄉味江南久別餘誰知來塞甸卻復得河魚張  
翰空多憶黃州恐不如秋風吹木葉最好釣人居

九月廿六日

上幸音圖行圍

命文田隨同軍機大臣至

行幄

賜食觀圍恭紀

邃雅堂集

卷之九

五

微霜初沾塞草黃  
獮田舊制傳

仁皇木蘭獻地闢  
靈囿習勞綏遠非禽荒

九重旌旆乘時舉  
衛士桓桓盡貔虎

天弧所向無虛發  
頒賜紛紛逮藩部  
侍臣奉職在柔翰  
盤馬彎弓幾曾見承

恩賜食近

行幄試看獵騎來  
平甸初時殘月照  
嶺明四山人馬無  
行聲漸聞發響出  
巖谷星移雷動列  
隊盈壯士齊肩馬

齊足屹然不動如金城

御駟卻傷南山去黃纛前迎首歸路沙閒草際亂縱橫  
麋鹿驚奔雜狐兔樂野曾聞越絕書誇胡漫說揚雄賦  
馳驅罄控如有神麗龜中脇紛前陳從臣屏息不敢語  
但覺含意俱欣欣東都車攻復差馬石鼓遺文尙傳寫  
力薄慚非制作才安得摠詞繼周雅天姿神武詎易窺  
縱觀彌日猶忘疲回旌攬轡忽歸去不肯盡殺

皇心慈



將出哨門有地名烏蘭達哈華言赤峰也岡巒層

壘奇秀獨絕

吾鄉山水窟清澹富巖岫北地多沈雄突兀撐宇宙茲  
來赤峰遊刻削露奇秀稜稜石骨見疊疊波紋皺疎林  
帶寒姿清泉吐微溜高秋氣更佳坐對忽移晷強欲裁  
新詩安得如汝瘦

題張秋槎烟波釣叟行照

青雲久不遂白首尙依人溪壑投堪老安閒寄此身風

流懷甫里家世是元真細雨斜風裏看君理釣綸

又寄秋槎

故園風雨共銜杯往事甯

平聲

堪首重回貧似舊交難遠

絕老如成約定應來一生作客憐蓬梗千里無人識驥  
才聞道漁竿新料理尋君須到子陵臺

內子六十初度

十一月十八日

畫樓猶記薄寒天錦瑟剛調帝女絃覓句就花憎腕晚  
舉杯邀月愛嬋娟竟無丹藥留春住忽對霜華入鬢鮮

初度正當長至後願將添綫比添年

已逝流光那復還別離細數尙緣慳早因貧賤長爲客  
老供馳驅又不閒且索梅花開笑口更傾竹葉借酡顏  
年來學得長生訣須斲芝苓向故山

妻弟周三

以勳

寄示先公所繪課詩圖爲思其母

敦宜人作者因題長句

昔我六齡方受書有父飢驅走南北弟兄就塾四五人  
誦讀惟資阿母力侵晨理鬢喚兒起梳洗先教容止飾

手持鍼綫當戶坐各抱經書環侍側琅琅慣聽聲徹座  
格格端愁齒生棘遺文粗解爲舉隅誤字纔聞輒糾慝  
及余稍長事文翰始遣從師受繩墨老師枯坐常達旦  
阿母辛勤那曾息中宵數漏奉饀茗獨夜挑鐙理絳織  
有時喔喔雞已晨朔雪嚴風冷還逼中間人事益蕭條  
家本無田復何食殘年敗葛猶故衣長夏空廚有飢色  
諄諄啓後在一經勗以有秋惟力穡中年竊祿幸通籍  
回首慈顏邈難卽烏啼老樹風不休往往思親淚沾臆

周君寄我課詩圖手澤留題尙能識此是先公昔所繪  
爲述劬勞賢母德數椽老屋覆陰森一尺鐙檠半昏黑  
寒帷方對病沈綿側坐猶看神慳惻佳兒肯使業輕廢  
夜半書聲出閨闕當時慈母一片心伐盡兔毫誰寫得  
披圖試覽未終卷口欲有言咽已塞同是千秋銜恤人  
撫膺那免心如畫窮愁况夏百不堪往事爭禁重追憶  
因君還誦蓼莪篇欲報之德天罔極

丁丑重九日招同王勿菴毛吟樹吳美存白小山

吳荷屋諸同年遊崇效寺登陶然亭將之龍泉  
寺不果各攜肴核尊酒至趙象菴舍人齋中賞  
菊勿菴卽日成長歌一章余屢欲步後塵苦卒  
卒未暇也後旬日始成是作

天空無雲曙河挂秋光爲我開圖畫終年塵事苦纏縛  
一日暫閒如脫械重陽佳節莫孤負良友招邀恣情話  
齊年恰得五六人或共春關或秋解

勿菴與余同舉于鄉餘皆己未同年

也  
兄弟匪他還具來出門緩鞢隨所屆皆言梵寺秋色

好試撲幽香入蓮界長楸葉墮蒼蘚封紅蓼花殘斜日  
曬聯茵聊借僧榻坐插頭那得園丁賣不如故事學長  
房猶有江亭未崩壞穿林覓逕愁晚晚秣馬脂車尙闌  
隘循廊散步達旁舍疎牖凝塵壁生疥此亭不到近十  
年感舊臨風一長喟龍泉古剎喬木間虛堂隱隱聞鐘  
唄野田無蹊不可度屏營中道心未快忽憶滄州老舍  
人金門大隱神仙派齋頭種菊三百本愛客逢迎不知  
慙挽輿逕許竹中造具黍何煩牀下拜呼童攜酒夏擔

肴佐以醯鹽雜菘芥主人過歸興不淺巨筆紛綸斟玉  
澆高談雄似執戟朔縱飲壯於驂乘噲就中獨有輞川  
王苦爲齋辰守清戒一瓣不得空朶頤手決詞源瀉澎  
湃吟腸苦漚慙我老未要催租意先敗強裁長句還自  
嗤夏趨諸君速償債

陶給諫

謝

視漕江南時天寒冰凍給諫禱於露筋

祠一夕冰盡解漕艘旣渡輒復合因請於

朝封昭靈普惠之神祠曰貞應同人作詩記其事



鬢社湖邊路荒祠半草萊忽傳

天詔至爲有使星來落日千艘集嚴冰一夜開貞魂解  
呵護風利不須催

經廢園

沁園水與玉河通紅板橋敲路忽窮入戶記曾排繡幃  
當街親見繫花驄銀牀沙壓三眠柳金井風摧半死桐  
燕子不知人已去銜泥猶過畫樓東

梅謝

冰雪仙姿不易逢

吳草廬詩冰雪  
仙姿兩兩逢

忽看零落怨霜風

痕踏處香猶在畫手傳來影亦空  
庾嶺舊游時有憶孤山清夢更誰同  
悽涼怕聽鄰家笛腸斷高樓一曲中

### 芙蓉城

澄江地多芙蓉故名除夕感舊悵然有作

不道芙蓉竟有城姓名猶得證前生  
塵緣未了難辭謫仙境重來已暗驚  
寒夜迢迢孤夢斷殘年寂寂一燈明  
碧雲悵望人何在地久天長是此情

遂雅堂集卷之十

歸安姚文田撰

池魚賦

鴟夷子皮功成沼吳遂變姓名浮於江湖喟然而歎曰  
計然之策七既用諸國而效吾將施諸家於是商封殖  
之計攷畜牧之經瀦清流以爲池樹積石之瓏玲池廣  
而深周可十畝巖坻縱橫布列中沚屹若壺嶠峙於巨  
海菰蒲掩暎迤靡隨風環植高柳三年成陰乃尋川浸

俯藪澤鯤鯨之所藏育衆鱗之所窟宅其泥數斗種類  
惟百爰挹彼而注茲其生息者蓋孔庶焉則有鱗鱸鱒  
鰓鯉鰕魴鮐鮓鮪鰣鯽鯢鯪鯢鯢鯢鯢鯢鯢鯢鯢鯢鯢  
異名殊狀不可殫陳歌發發於衛風詠甫甫於周人忽  
充牣乎其中見唯唯與鄰鄰乃其噉噉萍藻咀嚼菱蒲  
揚鬐奮迅吐沫紆徐旣潛躍之得所亦泳游之自如來  
若合羣去如散隊貪餌爭上觸綸先逝循壘空而出入  
似縱鱗於大壑歷洲島之緜互極濠梁之至樂故能無

生不育靡類不蕃美踰漢上珍邁河干聞扣角之甯戚  
來彈鋏之馮驩洵惟嘉而惟時爲昔人所咏歎于焉充  
庖廚御賓客膾紛綸送絡繹苟無傷於數罟更靡憂於  
尾赤將專車之可致又何論乎盈尺昔具茨之訪道聆  
喻言於童子謂害馬之必捐庶阜蕃之可俟順物性於  
自然得牧人之妙旨臨清池而盤桓吾以通諸政理

蟲賦

猶子廣方作蟲賦予見而笑之曰天下之物夥矣鳳皇  
翔於青冥鱷魚跋於滄海蔗林之高百丈榑木之長千  
里若斯類者不可勝紀今舍其大而及其細豈將學小  
言於宋玉效齊物於莊子與廣曰不然吾端居一室靜  
察庶類窺鼓盪於洪鈞測網緼於萬彙彼春風之一噓  
睹百昌之咸遂不知其何以然也且夫蟲蚋之出必於  
炎暑蜉蝣之生則以陰雨方其未暑未雨而形於何託

乎時至而各爲之形彼造物者亦過勞矣則固有自然  
而凝聚者耶人之身本無物也暖煦潤蒸忽然成質蠢  
蠢而動厥名爲蟲有口有足有首有腹始緣氣孕繼由  
卵育生類日滋蕃然成族逞嗜膚之饜饕處衣縫以爲  
宮遨遊襟帶之上出入襦袴之中嵇康搔之而無已王  
猛捫之而不窮貴不避於執政生亦託於空門苟一飽  
而已足且以長其子孫蓋自有一天地故樂得而殫論  
予曰善哉斯觀物之智也夫理無微而不在機有發而

靡停驗亭毒於無心知大德之在生徒觀其自無而有  
實蕃以庶吮身腴而覺甘見湯沐而知懼或區分於緇  
華或辨論於垢絮紀昌以貫矢稱能嗣宗以處禪設喻  
皆意存於見小夫安知化機之咸寓



落梅賦

宋廣平剛態毅狀心如鐵石盼庭柯而援筆哀孤芳之  
闐宋既迴出於羣卉豈余懷之能釋爾其鍊雪爲骨裁  
冰作肌神如暎玉貌若凝脂芳性內抱貞容外持照水  
半樹臨風一枝紛幽馨之暗吐想清影之來遲獨占春  
先相逢林下姑射侔嫫漢宮爭冶光溶溶兮四照情脉  
脉兮獨寫懲孫壽之妖淫肖江妃之閒雅斯名麗友亦  
稱散仙移自高人宅畔

吳仲圭故居  
名梅花涇

撰從西子湖邊既

乃植根舊圃作伴韶年離居思結索笑情牽誇江東之  
獨秀凌都下之雙妍庾嶠則來當臘後梁園則到及春  
前素琴自張芳尊相屬華月初上緒風猶肅入紙帳而  
夢亦含清擘吟箋而詞還吐馥笑蘭蕙之易鉏鄙桃李  
之猶俗其信然乎若乃閱歲崢嶸驚心搖落孤根已傷  
芳英安託返魂無一寸之香駐景乏千年之藥聽南雁  
之方徂悲朔風之多虐嗚咽江城之笛悽惻孤山之鶴  
一別如雨三生虛約故里歸來空山寂寞艾納徒收綃

裳誰著貌遺影而無從歎花光之不作昔趙師雄夢斷  
荒邨酒醒空肆聞翠羽之啾嘈鼻餘香之襲袂羌月落  
而參橫傷美人兮永逝

來降燕乃睇賦

以操泥而入家人內也爲韻

應春和而育物偉大化之埏陶吹律而來鍾氣協占星  
而建缶晨高隰繽紛其蕙柳山馥郁以舒桃美記名王  
之鮪俊稱助母之羔牢醴則高禴肅事雞豚則社日羣  
操雁辭渚而已逝燕營室以方勞蓋其乘時早降攷蟄  
都迷來無處所翩其至今乍蹠蹻而下上交頡頏以東  
西翼差池而仍整剪捷獵而逾齊或掠溪堂之水或銜  
芹澗之泥圖夏巢以自託愛雕梁而竝棲繾綣淡情於擇

主慕君子之攸躋乃瞻繡闥乃眷芝栢網戶乍啟綃帷  
未施輕身歛入凝睇何遲舊宇空而未葺新巢定而猶  
疑先呼朋而相厭更挈偶以來思雜蠻音而不辨依廈  
構而同嬉孰能知其洩擇洵莫智於意而乃有綺閣雲  
連雕甍嶽立金屋峻嶒杏梁戢香紅粉尙書之宅絲管  
方凝烏衣丞相之庭簪裾載集戶迎日而不扃簾因風  
而易入暎宛轉以頻畱羽迴翔而未戢緬予室之翹翹  
馳私情之汲汲亦有江邨宋靜茅檐蔽遮煙衝渚草雨

掠畦花辛苦一椽之宅尋常百姓之家戀舊主而不去  
來隔歲以無差巡空梁而載晒覓故壘以頻加夫其智  
能知止性本依人殷亮之楯屢集馬樞之案還馴擅嘉  
名於天女儲異精於斗神故其來也亦知避夫戊巳迺  
其降也必不憊於嘉辰是宜遺卵衍祥於商代而命官  
見迹於素臣若乃寓目能安吾廬解愛棲不離雙語常  
相對侍公子於歸時喚居人於戶內梨花寒食之期柳  
絮春湖之埭翠翼交迎明眸作態始託生於堂隅旋引

離於屋背既定爾居厥謀斯在雖復柳院風疎荷塘露  
瀉急蟲語於空墀聽鳥喧於寒社誠識時而知歸亦厥  
居之暫捨乃其有約寒消相逢春冶仍約綽以來依終  
不違於成廈其信若此故足稱也

流雲吐華月賦

以題爲韻

金飈送暑玉宇傳秋攬激輝於清夜覓勝地以循游露  
娟娟而始下河耿耿而方流匹練徐開捲閒雲而赴岫  
曉匳忽啟舒皓月以當樓聽來梵唱殘時最宜蕭寺憶  
到詩情澹極只有蘇州方其閒尋幽曠遠謝塵紛清漏  
初滴良夜未分洗餘氛於新霽挹勝槩於高雲送激激  
之夕景曳片片之輕雲乍度漢以逡巡隨時作態亦因  
風而去住觸緒成文或聚若峯巒之重疊或散如濤浪



之汾汭已而靄靄雲開亭亭月吐初掩暎於半規漸瑩  
明而全覩始露輝於堂隅倏騰光於軒廡漫呼白玉曾  
經秘匣之藏儼列明珠何似靈胎之剖九重遠徂詆蕩  
爲門七寶修成清虛是府愛兔魄之高懸喜蟾光之乍  
午於時珠星半隱玉繩正斜響滴空庭之樹影移曲徑  
之花雲雖飛而暫駐月已吐而奚遮幻作魚鱗散中天  
而布彩朗開冰鑑迴萬里以舒華想羃歷之初含光疑  
隱霧值升騰之共睹綺奪流霞三匝則猶聞鶯鵲羣栖

則暗數歸鴉六合清層陰歇逸思生高歌發起于于於  
璿墀寫空明於瑤闕王融嗟賞神馳隴首之雲庾亮登  
臨興寄樓頭之月望故人而不見夜靜縈懷攄新句以  
遙投詩清到骨是使忘初地之蕭條而惟覺高齋之超  
忽也始知俛仰流光追尋佳趣境適我而皆新意常欣  
於所遇蓬山天近縵縵雲敷

絳闕宵涼明明月度階前則木葉初飛檻外則蟲聲未  
暮愛清景以申懷集諸英而競賦安見故園松桂遂獨

傳工部之詞定知疎雨梧桐尙不少掖垣之句

靈臺偃伯賦

以功成奏凱民悅無疆爲韻

威宣閩外吉協師中澤流時雨化暢馴風攷績凌煙之  
閣展儀園水之宮四國是皇善魯人之敕甲萬方底定  
嘉周室之櫜弓稽遺訓於太師于焉偃伯述前聞於司  
馬是告成功攷夫伯者名同馬祭法統軍行導元戈而  
疾指竝黃鉞以于征歌有虔於載旆記尙武於綏旌勁  
旅前驅萃風雲而列陣元戎先啟肅羆虎於無聲李賢  
考稱師節馬融著頌廣成誠軍士之所警伏而誠令待

以申明故當其有事也則士咏無衣人思乃冑猶師干  
之是總如太阿之先授庶軍氣之克揚佇肅公之立就  
而乃塞垣息燧靜雞犬以無驚海澨激波剪鱷鯢而罔  
漏驩聲騰驃騎之營協氣入伶倫之奏敢云弗戢思遺  
戒於佳兵况已有功獲吉占於禦寇爰有靈臺屹然峙  
乃穹上出而崇闕翼下臨而歸罪壇階嶽立望氣知時  
瓦棟鱗差瞻雲播采明堂竝構制沿漢氏之與靈沼俱  
成美誌周王之在播和聲於鏞鼓用待修文騰捷奏於

旌旗此宜張凱隼旗隊布虎旅星陳戎容暨暨衮服振  
振勞橈連雲而翕赭觚稜映日而璘幽彝鼎畱銘將帥  
論勳之日彤弓拜賜軍行敵愾之人靡節而旨歸不殺  
飲醕而懽動無垠簫鼓方喧殊三旬而振旅干戈倒載  
洵一怒以安民由是斥埃稀羽書絕士氣怡輿情悅櫓  
槍電埽詆太史而知祥藩衛星連于太常而紀烈憶鼓  
輦之方動爭擁蠡旗迨卒伍之旋歸全空鼠穴賦芑田  
而雅咏流傳瞻麟閣而畫圖森列威稜旣闡懿德覃敷

已頑梗之率俾何前茅之慮無銷劍戟之雄鋒荷鉏相  
慶格羽干之文舞握賚爭趨踵止戈於蒼籙傳勝蹟於  
黃圖異崇霞之見稱燕國詎凌雲之侈說當塗此昔人  
所以重勦民之舉而垂保大之模者也茲者伏觀

泰運恭逢

聖

湯仁先沛

武烈惟揚蜀道無難洗餘埃於躍馬楚氛奚惡匿殘耀

於占狼故能績著雲臺鷹揚就列聲騰月蝓蛾伏來王  
遂使軍興之不事而永臻民說之無疆